



L'Institut da plurilinguitad da Friburg e la Scola auta da pedagogia dal Grischun conferman lur collavuraziun

L'Institut da plurilinguitad da Friburg (IdP), in institut cuminaivel da l'Universitad e da la Scola auta pedagogica da Friburg, e la Scola auta da pedagogia dal Grischun (SAPGR) han sutscrit dacurt ina cunvegna da collavuraziun ed in contract da doctorand. Quests dus accords han en mira da stabilir ina cooperaziun tranter ils dus instituts en il sector da la perscrutaziun ed il svilup sco era da l'instrucziun sin il champ da la plurilinguitad. Il contract da doctorand regla las cundiziuns generalas per l'installaziun d'ina piazza da doctorand cuminaivla finanziada da la SAPGR e tgirada da l'IdP. Quest post s'occupa tant sco pussaivel da temas actuals en connex cun la plurilinguitad grischuna.

En l'optica da l'entrada en vigur da la lescha federala da linguas e tegnend quint da la lescha da linguas dal chantun Grischun constituescha questa collavuraziun in element impurtant d'ina rait svizra dirigida da l'IdP, a la quala la SAPGR vegn a participar a moda activa. Questas duas instituziuns represchantan gia tut las quatter linguas nazionalas ed èn uschia predestinadas da giugar ina rolla centrala en la messa en pratica da la lescha federala da linguas.

Contacts : Institut da plurilinguitad da Friburg, Prof. Dr. Alexandre Duchêne , Murtengasse 24, 1700 Friburg, Tel. +41 (0)26 305 61 70 / 73, alexandre.duchene@unifr.ch, www.institut-mehrsprachigkeit.ch
Scola auta da pedagogia dal Grischun, Dr. Johannes Flury / Dr. Manfred Gross, Scalärastrasse 17, 7000 Cuir, Tel.: +41 (0)81 354 03 02, www.phgr.ch

Funtauna : Service Communication & Médias, Tél. +41 (0)26 300 70 34, communication@unifr.ch